

<b>HELAIAN PENDEDAHAN PRODUK</b> <i>Sila baca Helaian Pendedahan Produk ini sebelum anda memutuskan untuk menyertai HLM Takaful Alpha Saver. Pastikan juga anda membaca terma dan syarat am.</i>	<b>Hong Leong MSIG Takaful Berhad ("HLM Takaful") (738090-M)</b> <b>HLM Takaful Alpha Saver</b>
---	--

**1. Apakah produk ini?**

Ini adalah produk endowmen Takaful selama 20 tahun dengan tempoh pembayaran sumbangan selama 10 tahun yang dapat memenuhi keperluan perlindungan dan simpanan anda. Ia menyediakan perlindungan sekata untuk kematian dan Hilang Upaya Menyeluruh & Kekal (TPD), perlindungan tambahan untuk kematian akibat kemalangan dan khairat kematian yang dibayar apabila berlakunya kematian. Ia juga membayar Bayaran Tunai pada akhir setiap 5 tahun semasa tempoh perlindungan. Manfaat kematangan akan dibayar pada akhir tempoh sijil sekiranya tiada tuntutan dibuat.

**2. Apakah konsep Syariah yang digunakan?**

(a) Tabarru' bermaksud derma daripada bahagian sumbangan yang akan diperuntukkan ke Dana Risiko Peserta (PRF), yang akan digunakan untuk bantuan dan pertolongan bersama di kalangan rakan-rakan peserta.  
(b) Iltizam Bi Al-Tabarru' bermaksud komitmen untuk melakukan Tabarru'.  
(c) Wakalah bermaksud secara asasnya hubungan ejen-prinsipal, di mana Pengendali Takaful bertindak sebagai ejen bagi pihak peserta untuk menguruskan PRF dan Pengendali Takaful mendapat Yuran Wakalah bagi perkhidmatan yang diberikan.  
(d) Ju'alah bermaksud perjanjian di mana peserta berjanji untuk memberikan ganjaran kepada Pengendali Takaful atas pencapaian atau prestasi baik Pengendali Takaful dalam menguruskan PRF yang menyebabkan berlakunya Lebihan dalam dana tersebut.  
(e) Qardh bermaksud pinjaman tanpa faedah yang disediakan oleh Pengendali Takaful sekiranya berlaku defisit di dalam PRF.

**3. Apakah perlindungan/manfaat yang disediakan?**

Perkara Dilindungi	Keterangan Manfaat	Tempoh Perlindungan										
Kematian	Sekiranya berlaku Kematian semasa sijil berkuatkuasa, kami akan membayar 100% Jumlah Dilindungi Asas sebagai Manfaat Kematian. Tambahan 10% daripada Jumlah Dilindungi Asas akan dibayar sebagai Khairat Kematian.	20 tahun										
Hilang Upaya Menyeluruh & Kekal (TPD)	Sekiranya berlaku TPD semasa sijil berkuatkuasa (Perlindungan TPD sehingga umur 65 pada harijadi akan datang), kami akan membayar 100% Jumlah Dilindungi Asas sebagai Manfaat TPD. Had TPD setiap nyawa maksimum semasa adalah RM 3.5 juta, untuk semua Manfaat TPD yang perlu dibayar di bawah semua sijil Takaful Keluarga (termasuk rider) yang masih berkuatkuasa dan dikeluarkan oleh kami, termasuk sijil ini berkenaan dengan Orang Dilindungi yang sama, secara kumulatif.	20 tahun										
Kematian akibat Kemalangan	Sekiranya berlaku kematian akibat kemalangan semasa sijil berkuatkuasa (perlindungan sehingga umur 65 pada harijadi akan datang), kami akan membayar 200% daripada Jumlah Dilindungi Asas sebagai tambahan kepada Manfaat Kematian.	20 tahun										
Bayaran Tunai	Bermula dari akhir tahun sijil kelima dan setiap 5 tahun seterusnya, kami akan membayar Bayaran Tunai seperti yang ditunjukkan dalam jadual di bawah, dengan syarat sijil masih berkuat kuasa dan tiada tunggakan kepada kami: <table border="1" data-bbox="395 1086 1278 1229"> <thead> <tr> <th>Akhir Tahun Sijil</th> <th>% daripada Jumlah Sumbangan yang Telah Dibayar</th> </tr> </thead> <tbody> <tr> <td>5</td> <td>5%</td> </tr> <tr> <td>10</td> <td>5%</td> </tr> <tr> <td>15</td> <td>10%</td> </tr> <tr> <td>20</td> <td>15%</td> </tr> </tbody> </table>	Akhir Tahun Sijil	% daripada Jumlah Sumbangan yang Telah Dibayar	5	5%	10	5%	15	10%	20	15%	20 tahun
Akhir Tahun Sijil	% daripada Jumlah Sumbangan yang Telah Dibayar											
5	5%											
10	5%											
15	10%											
20	15%											
Kematangan	Semasa kematangan sijil anda, kami akan membayar 100% daripada Jumlah Sumbangan yang Telah Dibayar sebagai Manfaat Kematangan.	20 tahun										
Serahan	Selepas serahan, kami akan membayar nilai serahan tunai. Sila rujuk kepada Ilustrasi Manfaat pada Nilai Serahan untuk maklumat lanjut.	20 tahun										

Nota:

- Lien Juvenil adalah terpakai untuk kematian/TPD sebelum umur 5 pada harijadi akan datang. Sila rujuk sijil takaful untuk maklumat lanjut.

**4. Berapakah jumlah sumbangan yang saya perlu bayar?**

- Anggaran jumlah sumbangan yang anda perlu bayar: <<XXXX>>
- Tempoh sumbangan: 10 tahun.

**5. Apakah yuran dan caj yang saya perlu bayar?**

Yuran Wakalah (ditolak daripada sumbangan)

Tahun Sijil	1	2-10 (Setiap tahun)	11-20
% daripada Sumbangan	43.00%	13.00%	0.00%

Perbelanjaan Pemasaran (sebahagian daripada Yuran Wakalah)

10% daripada sumbangan tahunan bagi tahun pertama akan ditolak daripada sumbangan.

Caj Serahan (semasa serahan sijil anda)

Tahun Sijil	% daripada Nilai Serahan Tunai
1 - 3	30%
4 - 8	25%
9 - 19	15%
20	0%

**6. Apakah terma dan syarat utama yang saya perlu tahu?**

- (a) Kepentingan Pendedahan  
Kewajipan pendedahan pra-kontrak - Anda mempunyai kewajipan untuk mendedahkan semua fakta material, termasuk tetapi tidak terhad kepada keadaan perubatan dan nyatakan umur anda dengan betul. Anda mempunyai kewajipan untuk mendedahkan apa-apa maklumat berkaitan yang anda tahu atau dijangka untuk mengetahui dengan sebaik-baik pengetahuan anda dan dengan niat baik.
- (b) Tempoh Bertenang  
Anda boleh membatalkan sijil anda dengan mengembalikan sijil dalam tempoh bertenang selama 15 hari selepas sijil telah dihantar kepada anda. Sumbangan yang telah anda bayar akan dikembalikan kepada anda.
- (c) Kewajipan Peserta  
Anda perlu berpuas hati bahawa pelan ini memenuhi keperluan anda dan anda mampu membayar sumbangannya.
- (d) Iltizam bi Al-Tabarru'  
Sumbangan anda setelah ditolak Yuran Wakalah akan diperuntukkan ke PRF berdasarkan konsep Iltizam bi Al-Tabarru'.
- (e) Perkongsian Lebihan daripada PRF  
Sebarang lebihan daripada PRF akan diagihkan antara anda dan kami dalam nisbah 50:50. Kami berhak ke atas lebihan berdasarkan prinsip Syariah iaitu
- (f) Rekod Pembayaran  
Sila simpan satu salinan rekod transaksi sebagai bukti pembayaran sumbangan.
- (g) Menukar Sijil Takaful  
Ia mungkin tidak memanfaatkan untuk menukar daripada satu sijil takaful kepada yang lain atau daripada satu pengendali takaful kepada yang lain kerana anda mungkin akan tertakluk kepada terma dan syarat baru untuk sijil takaful atau pengendali takaful tersebut.
- (h) Tempoh Ihsan  
Anda diberi tempoh ihsan selama 90 hari dari tarikh akhir pembayaran sumbangan. Tidak membayar sumbangan selepas tempoh ihsan boleh menyebabkan penukaran kepada sijil berbayar terkurang atau penamatan awal perlindungan anda. Sila rujuk sijil Takaful untuk maklumat lanjut.
- (i) Penamaan  
Adalah penting untuk anda menamakan seseorang untuk menerima manfaat yang dibayar di bawah sijil anda dan memastikan bahawa penama tersebut menyedari tentang sijil yang anda sertai.

*Nota: Senarai ini adalah tidak lengkap. Sila rujuk Sijil Takaful untuk senarai lengkap bagi terma dan syarat di bawah sijil ini.*

**7. Apakah pengecualian utama di bawah sijil ini?**

- (a) Bunuh diri - sekiranya kematian disebabkan membunuh diri dalam 12 bulan dari tarikh permulaan sijil atau sebarang tarikh pengembalian semula, yang mana kemudian, manfaat kematian/khairat kematian tidak akan dibayar.
- (b) Tiada manfaat sijil akan dibayar jika TPD disebabkan secara langsung atau tidak langsung oleh:
  - (i) kecederaan yang disengajakan diri ketika waras atau tidak waras;
  - (ii) sebarang keadaan atau hilang upaya yang telah wujud sebelum atau pada tarikh permulaan sijil atau sebarang tarikh pengembalian semula, yang mana kemudian.
- (c) Manfaat Kematian akibat Kemalangan tidak akan dibayar untuk kematian akibat kemalangan yang disebabkan secara langsung atau tidak langsung oleh:
  - (i) kecederaan yang disengajakan diri ketika waras atau tidak waras;
  - (ii) rusuhan dan kekecohan awam, mogok atau kegiatan pengganas;
  - (iii) peperangan, diisytiharkan atau tidak diisytiharkan, revolusi atau sebarang operasi perang.

*Nota: Senarai ini adalah tidak lengkap. Sila rujuk Sijil Takaful untuk senarai lengkap bagi pengecualian di bawah sijil ini.*

**8. Bolehkan saya membatalkan sijil saya?**

Ya. Anda boleh membatalkan sijil anda. Penyeretaan dalam pelan takaful keluarga adalah suatu komitmen jangka panjang. Jika anda tidak membayar sumbangan anda dalam tempoh ihsan, perlindungan anda mungkin dikurangkan atau sijil anda mungkin luput. Jumlah tunai yang akan dibayar oleh kami apabila anda membatalkan sijil sebelum tarikh matang akan jauh lebih rendah daripada jumlah sumbangan yang telah anda bayar.

**9. Apakah yang perlu saya lakukan sekiranya terdapat perubahan dalam maklumat perhubungan saya?**

Adalah penting untuk anda memaklumkan kami sebarang perubahan pada maklumat perhubungan anda/penama anda untuk memastikan segala surat-menyurat sampai kepada anda/penama anda pada masa tepat.

**10. Di manakah boleh saya mendapatkan maklumat lanjut?**

Jika anda memerlukan maklumat tambahan tentang Takaful Keluarga, sila rujuk risalah *insuranceinfo* mengenai "Takaful Keluarga" di [www.insuranceinfo.com.my](http://www.insuranceinfo.com.my).

**Jika anda mempunyai sebarang pertanyaan, sila hubungi kami di:**

Hong Leong MSIG Takaful Berhad (738090-M)

Alamat: Ibu Pejabat, Tingkat 5, Menara B, PJ City Development, No. 15A, Jalan 219, Seksyen 51A, 46100 Petaling Jaya, Selangor, Malaysia.

Telefon: +603-7650 1800

Faks: +603-7620 6730

Emel: [ReachUs@takaful.hongleong.com.my](mailto:ReachUs@takaful.hongleong.com.my)

**11. Jenis perlindungan takaful keluarga serupa lain yang sedia ada.**

Sila rujuk kepada wakil jualan kami untuk jenis pelan serupa lain yang ditawarkan.

**NOTA PENTING:**

**PENYERTAAN DALAM PELAN TAKAFUL KELUARGA ADALAH SUATU KOMITMEN JANGKA PANJANG. ANDA HARUS MEMILIH JENIS PELAN YANG SESUAI DENGAN KEADAAN DIRI ANDA. ANDA HARUS MEMBACA DAN MEMAHAMI SIJIL TAKAFUL ANDA DAN BERBINCANG DENGAN WAKIL JUALAN ATAU TERUS MENGHUBUNGI PENGENDALI TAKAFUL UNTUK MAKLUMAT LANJUT.**

Diunderait oleh Hong Leong MSIG Takaful Berhad (738090-M)  
(Dilesenkan di bawah Akta Perkhidmatan Kewangan Islam 2013 dan dikawalselia oleh Bank Negara Malaysia)